

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
JU SLUŽBA ZA ZAPOŠLJAVANJE
TUZLANSKOG KANTONA
TUZLA**

Broj: 01-11-4-708-15/24
Tuzla, 01.10.2024. godine

Na osnovu člana 70. stav (1), (2), (3) i (6) Zakona o javnim nabavkama ("Službeni glasnik BiH", broj: 39/14, 59/22 i 50/24), člana 21. Statuta JU Službe za zapošljavanje TK broj: 01/1-1-45/2-17-1 od 26.09.2017. godine, broj: 01/1-1-45/2-17-1/19 od 19.08.2019. godine, broj: 01-02-541/P-5/19-4 od 21.01.2020. godine, broj: 01/1-04-379/21-3 od 10.06.2021. godine i broj: 01/1-04-1-429-9-3/22 od 19.07.2022. godine i preporuke Komisije za javne nabavke date u Zapisniku o pregledu i ocjeni ponuda u postupku nabavke namještaja, direktora donosi:

ODLUKU

o izboru najpovoljnijeg ponuđača
(Nabavka polica za arhivu- čuvanje spisa – LOT 4)

Član 1.

Za najpovoljniju ponudu za nabavku polica za arhivu- čuvanje spisa – LOT 4, bira se ponuda ponuđača **Defter doo Sarajevo**, sa cijenom u iznosu od **2.699,00 KM bez PDV-a**.

Član 2.

Po pravosnažnosti ove Odluke, Ugovorni organ će pozvati izabranog ponuđača radi zaključenja Ugovora kojim će se regulisati međusobna prava i obaveze vezane za predmetnu nabavku shodno uslovima Ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

Član 3.

Ova Odluka objavit će se na web stranici JU Služba za zapošljavanje Tuzlanskog kantona – www.szztk.ba, istovremeno s upućivanjem ponuđačima koji su učestvovali u postupku javne nabavke.

O b r a z l o ž e n j e

Postupak javne nabavke namještaja- nabavka vrtnog namještaja (Lot 3) i nabavka polica za arhivu i čuvanje spisa (Lot 4), ponovno je pokrenut, obzirom da je u Odluci o poništenju nabavke polica za arhivu-čuvanje spisa (Lot4), broj: 01-11-4-708-6/24, u članu 3. navedeno, da će nabavka za ovaj lot biti pokrenuta temeljem osnovne odluke o pokretanju postupka, broj: 01-11-4-708/24 od 16.07.2024. godine.

Obavještenje o nabavci broj: 647-7-1-105-3-47/24, sa tenderskom dokumentacijom, objavljeno je 06.09.2024. godine. Sažetak obavještenja objavljen je u Službenom listu Bosne i Hercegovine.

Kriterij za dodjelu Ugovora je najniža cijena ponude, u skladu sa članom 64. stav (1) tačka b) Zakona o javnim nabavkama.

Za predmetnu nabavku predviđena je e-aukcija.

Rok za dostavu ponuda bio je 19.09.2024. godine do 11:00 sati.

Javno otvaranje ponuda je održano 19.09.2024. godine u 11:30 sati u prostorijama JU Službe za zapošljavanje Tuzlanskog kantona.

Na osnovu Zapisnika sa otvaranja ponuda broj: 01-11-4-708-12/24 od 19.09.2024. godine, utvrđeno je da je za predmetnu javnu nabavku blagovremeno dostavljeno devet ponuda i to:

1. Protim doo Sarajevo sa cijenom u iznosu od 8.540,00 KM bez PDV-a,
2. CloudIT doo Sarajevo, sa cijenom u iznosu od 8.045,04 KM bez PDV-a,
3. Adut Plus doo Banja Luka CloudIT doo Sarajevo, sa cijenom u iznosu od 8.535,00 KM bez PDV-a,
4. Larix doo Doboj, sa cijenom u iznosu od 8.499,00 KM bez PDV-a,
5. Mira-Mar doo Foča, sa cijenom u iznosu od 8.540,00 KM bez PDV-a,
6. Kabas doo Sarajevo, sa cijenom u iznosu od 8.544,00 KM bez PDV-a,
7. R&S doo Sarajevo, sa cijenom u iznosu od 8.100,00 KM bez PDV-a,
8. Defter doo Sarajevo, sa cijenom u iznosu od 8.500,00 KM bez PDV-a,
9. Fortin doo Tešanj, sa cijenom u iznosu od 6.955,00 KM bez PDV-a.

Nakon što je izvršeno otvaranje ponuda, Komisija je pristupila pregledu i analizi istih, dana 23.09.2024. godine, kada je konstatovala da su sve dostavljene ponude formalno-pravno ispravne i da su prihvatljive za Ugovorni organ.

Obzirom na naprijed navedeno, zakazana je predviđena e-aukcija.

E-aukcija za ovaj lot- nabavka polica za arhivu – čuvanje spisa, održana je dana 26.09.2024. godine sa početkom u 09:30 sati. Nakon što je okončan pregled Izvještaja o toku i završetku e-aukcije, utvrđeno je da je cijena najpovoljnijeg ponuđača, u skladu sa Zakonom i podzakonskim aktima, neprirodno niska te je poslat Zahtjev za pojašnjenjem cijene. Nakon dostavljenog odgovora i obrazloženja, direktor je dao saglasnost na isto te je Komisija ocijenila ponudu ponuđača Defter doo Sarajevo, najpovoljnijom za Ugovorni organ.

U skladu sa naprijed opisanim, Komisija je konstatovala da je najpovoljnija ponuda u predmetnom postupku nabavke od ponuđača **Defter doo Sarajevo, sa ukupnom cijenom od 2.699,00 KM bez PDV-a.**

Zapisnik o pregledu i ocjeni i Izvještaj o radu Komisije, dostavljeni su direktoru na razmatranje.

Direktor prilikom donošenja ove Odluke, nije našao razloge koji bi bili osnov za neprihvatanje preporuke Komisije za javne nabavke. Direktor je ocijenio da je Komisija za javne nabavke u svemu postupila u skladu sa Zakonom o javnim nabavkama i podzakonskim aktima koji regulišu ovu oblast.

Shodno odredbama Zakona o javnim nabavkama, podzakonskim aktima i općim aktima Službe, kriterijumom za vrednovanje ponuda "najniža cijena ponude", donosi se Odluka o izboru najpovoljnijeg ponuđača, kojom se Ugovor za LOT 4 – nabavka polica za arhivu-čuvanje spisa, dodjeljuje ponuđaču Defter doo Sarajevo, u iznosu 2.699,00 KM bez PDV-a.

Iz navedenih razloga, primjenom člana 64. stav (1) tačka b), člana 70. stav (1), (2), (3) i (6) i člana 89. stav (1) Zakona o javnim nabavkama, odlučeno je kao u članu 1. ove Odluke.

POUKA O PRAVNOM LIJEKU:

Ukoliko ponuđač smatra da je Ugovorni organ u toku datog postupka dodjele Ugovora izvršio povredu Zakona ili podzakonskih akata ima pravo da pokrene žalbeni postupak u roku od 5 dana od dana prijema ove Odluke, u skladu sa članom 101. stav (5) tačka c) Zakona o javnim nabavkama ("Službeni glasnik BiH", broj: 39/14, 59/22 i 50/24).

U skladu sa članom 99. Zakona žalba se podnosi u pisanoj formi u dovoljnom broju primjeraka, a koji ne može biti manji od tri, kako bi mogla biti uručena izabranom ponuđaču i drugim strankama u postupku.


DOSTAVLJENO:

1. Ponuđačima (9)
2. Sektor za finansije i računovodstvo
3. Odjeljenje za pravne i opće poslove
4. a/a

Pripremila:

mr.iur.Ahmetović Berisa, bachelor prava

Stručni savjetnik za javne nabavke i pravne poslove



DIREKTOR

Miralem Softić
Miralem Softić, dipl oec

Bosna i Hercegovina
Federacija Bosne i Hercegovine
Tuzlanski kanton
JU Služba za zapošljavanje TK
Tuzla

Broj: 01-11-4-708-14/24
Datum, 01.10.2024. godine

Na osnovu člana 69. stav (1) tačka b), stav (2) tačka a) i člana 70. Zakona o javnim nabavkama Bosne i Hercegovine („Službeni glasnik BiH“, broj: 39/14, 59/22 i 50/24), člana 21. Statuta JU Službe za zapošljavanje TK broj: 01/1-1-45/2-17-1 od 26.09.2017. godine, broj: 01/1-1-45/2-17-1/19 od 19.08.2019. godine, broj: 01-02-541/P-5/19-4 od 21.01.2020. godine, broj: 01/1-04-379/21-3 od 10.06.2021. godine i broj: 01/1-04-1-429-9-3/22 od 19.07.2022. godine, direktor donosi:

ODLUKU
o poništenju postupka javne nabavke

Član 1.

Poništava se postupak javne nabavke namještaja- **nabavka vrtnog namještaja (LOT 3)** obzirom da nije dostavljena nijedna ponuda u određenom krajnjem roku.

Član 2.

Javana nabavka za lot iz tačke 1. ove Odluke, poništava se u skladu sa članom 69. stav 2. tačka a) Zakona o javnim nabavkama Bosne i Hercegovine.

Član 3.

Ova Odluka bit će objavljena na web stranici JU Služba za zapošljavanje Tuzlanskog kantona, www.szztk.ba.

O b r a z l o ž e n j e

Postupak javne nabavke namještaja- nabavka vrtnog namještaja (Lot 3) i nabavka polica za arhivu i čuvanje spisa (Lot 4), ponovno je pokrenut, obzirom da je u Odluci o poništenju nabavke vrtnog namještaja (Lot3), broj: 01-11-4-708-5/24, u članu 3. navedeno, da će nabavka za ovaj lot biti pokrenuta temeljem osnovne odluke o pokretanju postupka, broj: 01-11-4-708/24 od 16.07.2024. godine.

Na osnovu Zapisnika o zaprimanju ponuda i Zapisnika i otvaranju, Komisija je konstatovala i utvrdila da nije dostavljena nijedna ponuda u određenom krajnjem roku. Obzirom na naprijed navedeno, odnosno činjenicu da nije dostavljena nijedna ponuda, a da je Komisija u svemu postupila u skladu sa Zakonom o javnim nabavkama i podzakonskim aktima, u skladu sa članom 69. stav 2) tačka a) odlučeno je kao u članu 1. ove Odluke.

Uputstvo o pravnom lijeku:

Žalbeni postupak može se pokrenuti u roku od 5 dana od dana prijema ove Odluke, u skladu sa članom 101. stav (5) tačka c) Zakona o javnim nabavkama ("Službeni glasnik BiH", broj: 39/14, 59/22 i 50/24).

U skladu sa članom 99. Zakona žalba se podnosi u pisanoj formi u dovoljnom broju primjeraka, a koji ne može biti manji od tri, kako bi mogla biti uručena izabranom ponuđaču i drugim strankama u postupku.

Dostaviti:

1. Odjeljenje za pravne i opće poslove
2. a/a

Pripremila:

mr.iur.Ahmetović Berisa, bachelor prava
Stručni savjetnik za javne nabavke i pravne poslove



DIREKTOR

Miralem Softić, dipl.oec